

U skladu sa tačkom 12. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24), Budžetom Grada Tuzle za 2025. godinu („Službeni glasnik Grada Tuzla“, broj 3/25) i Odlukom o izvršavanju Budžeta Grada Tuzle za 2025. godinu („Službeni glasnik Grada Tuzla“, broj 3/25), a na osnovu tačke I i tačke II, podtačka 4. Pravilnika o utvrđivanju uslova, kriterija i postupka dodjele nepovratnih sredstava za novčanu podršku privrednim subjektima na području Grada Tuzla („Službeni glasnik Grada Tuzla“, broj 2/19, 8/21 i 10/25), Služba za ekonomski razvoj, poduzetništvo i poljoprivredu, donosi

PROGRAM

utroška sredstava iz Budžeta Grada Tuzle za 2025 godinu namjenjenih za aktivnu politiku zapošljavanja po Projektu „Zapošljavanje ranjivih kategorija“

1. UVOD

U Budžetu Grada Tuzle za period od 1.1.-31.12.2025. godine („Službeni glasnik Grada Tuzla“, broj: 3/25), u organizacionoj jedinici Služba za ekonomski razvoj, poduzetništvo i poljoprivredu, planirana su sredstva na poziciji - Grant za aktivnu politiku zapošljavanja, ekonomski kod: 0406/614530, u iznosu od 55.000,00 KM.

Ovim Programom utroška sredstava iz Budžeta Grada Tuzle za 2025. godinu namjenjenih za aktivnu politiku zapošljavanja po Projektu „Zapošljavanje ranjivih kategorija (u daljem tekstu: Program), utvrđuje se način utroška budžetskih sredstava iz prethodnog stava, planiranih u svrhu provođenja mjera aktivne politike zapošljavanja, s fokusom na upošljavanje osoba koje pripadaju ranjivim kategorijama nezaposlenih osoba iz Tuzle.

2. PRAVNI OKVIR ZA PROVOĐENJE PROGRAMA

- Strategija razvoja grada Tuzla do 2026. godine,
- Dokument okvirnog Budžeta Grada Tuzle za period 2025-2027. godina,
- Budžet Grada Tuzle za 2025. godinu („Službeni glasnik Grada Tuzla“, broj: 3/25);
- Odluka o izvršavanju Budžeta Grada Tuzla za 2025. godinu („Službeni glasnik Grada Tuzla“, broj: 3/25);
- Pravilnik o utvrđivanju uslova, kriterija i postupka dodjele nepovratnih sredstava za novčanu podršku privrednim subjektima na području Grada Tuzla („Službeni glasnik Grada Tuzla“, broj 2/19, 8/21 i 10/25).

3. CILJ PROGRAMA

Ovim Programom, u okviru planiranih sredstava u Budžetu Grada Tuzle za 2025. godinu, na poziciji „Grant za aktivnu politiku zapošljavanja“, u iznosu od 55.000,00 KM, nastoji se doprinijeti zapošljavanju nezaposlenih osoba iz Tuzle koje se vode u evidenciji Biroa za zapošljavanje Tuzla a koje pripadaju nekoj od ranjivih kategorija građana, kao teže zapošljivih kategorija na tržištu rada.

Ranjivu kategoriju građana, odnosno ciljnu grupu prema kojoj je usmjerena intervencija iz ovog Programa, predstavljaju sljedeće osobe iz Tuzle, koje su se u 2025. godini vodile ili se vode u evidenciji Biroa za zapošljavanje Tuzla: osobe sa invaliditetom u procentu 60% i više, pripadnici manjinskih grupa naroda, osobe starije od 18 godina koje su bile pod institucionalnom skrbi JU Dom za djecu bez roditeljskog staranja ili SOS dječijeg sela, žene žrtve nasilja u porodici, mlade osobe u dobi od 18 do 35 godina i teško zapošljive osobe starije od 55 godina.

4. SVRHA KORIŠTENJA SREDSTAVA NOVČANE PODRŠKE

Sredstva sa pozicije „Grant za aktivnu politiku zapošljavanja“ čiji se utrošak reguliše ovim Programom, dodijelit će se samostalnim djelatnostima i privrednim društvima registrovanim na području grada Tuzle, na ime refundiranja troškova obaveznih doprinosa za PiO i zdravstveno osiguranje i osiguranje od nezaposlenosti za jednu osobu, uposlenu u 2025. godini, koja pripada nekoj od ranjivih kategorija građana iz tačke 3. ovog Programa.

5. KRITERIJI ZA IZBOR KORISNIKA NOVČANE PODRŠKE

Pravo kandidovanja za ostvarivanje novčane podrške putem ovog Programa, sa pozicije u Budžetu Grada Tuzle za 2025. godinu, označene kao „Grant za aktivnu politiku zapošljavanja“, mogu ostvariti privredna društva i samostalne djelatnosti registrovane na području grada Tuzle, koji su u 2025. godini već zaposlili, ili će u 2025. godini, u roku od 20 dana od dana objave konačne Liste o odabiru korisnika novčane podrške putem projekta „Zapošljavanje ranjivih kategorija za 2025. godinu“, zaposliti osobu koja pripada nekoj od ranjivih kategorija iz tačke 3. ovog Programa, uz obavezu zadržavanja osobe u radnom odnosu u trajanju od najmanje 12 mjeseci od dana upošljavanja.

Za dodjelu novčane podrške ne mogu aplicirati subjekti koji imaju status javne ustanove ili javnog preduzeća, neprofitne organizacije i drugi privredni subjekti u vlasništvu bilo kojeg nivoa vlasti u BiH.

6. SREDSTVA PREDVIDENA ZA DODJELU

Ukupno raspoloživa sredstva na budžetskoj poziciji „Grant za aktivnu politiku zapošljavanja“ u Budžetu Grada Tuzle za 2025. godinu, u iznosu od 55.000,00 KM, raspodjelit će se putem javnog poziva namijenjenog samostalnim djelatnostima i privrednim društvima registrovanim na području grada Tuzle na ime podrške po Projektu „Zapošljavanje ranjivih kategorija“.

Novčana podrška za plaćanje troškova obaveznih doprinosa za PiO i zdravstveno osiguranje i osiguranje od nezaposlenosti za upošljavanje jedne osobe koja pripada nekoj od navedenih ciljnih grupa iz ovog Programa, iznosi 3.000,00 KM i može se ostvariti za upošljavanje samo jedne osobe, tako da novčana podrška po ovom osnovu može iznositi najviše 3.000,00 KM po privrednom subjektu.

Detaljni uslovi korištenja sredstava iz ovog Programa bit će regulisani ugovorom koji će se zaključiti između Službe za ekonomski razvoj, poduzetništvo i poljoprivredu s jedne strane i privrednih subjekata, korisnika sredstava, s druge strane.

7. TRAJANJE PROGRAMA

Sredstva iz tačke 6. ovog Programa će se realizovati najkasnije do 31.12.2025. godine.

Korisnici novčane podrške, koji iz objektivnih razloga budu u obavezi zadržati u radnom odnosu osobu za koju su dobili podršku i u toku naredne 2026. godine, u skladu sa obavezom iz tačke 5. ovog Programa, te s toga ne mogu opravdati utrošak dodjeljenih sredstava do 31.12.2025. godine, dužni su putem Službe za ekonomski razvoj, poduzetništvo i poljoprivredu dostavljati dokaze o izmirenim obavezama za uposlenu osobu na mjesečnom nivou do kraja perioda u kojem su u obavezi zadržati uposlenu osobu u radnom odnosu, što će se detaljnije regulisati ugovorom sa korisnikom.

8. NADLEŽNA SLUŽBA ZA PROVOĐENJE PROGRAMA

Za provođenje ovog Programa i praćenje namjenskog korištenja sredstava nadležna je Služba za ekonomski razvoj, poduzetništvo i poljoprivredu.

9. PROVOĐENJE PROGRAMA

Na osnovu ovog Programa, u skladu sa Pravilnikom o utvrđivanju uslova, kriterija i postupka dodjele nepovratnih sredstava za novčanu podršku privrednim subjektima na području Grada Tuzla („Službeni glasnik Grada Tuzla“, broj 2/19, 8/21 i 10/25), Služba za ekonomski razvoj, poduzetništvo i poljoprivredu raspisat će javni poziv za dodjelu sredstava za podršku samostalnim djelatnostima i privrednim društvima registrovanim na području grada Tuzle za zapošljavanje ranjivih kategorija u 2025. godini.

Javni poziv će biti objavljen na zvaničnoj internet stranici Grada Tuzle (www.grad.tuzla.ba) i na oglasnoj ploči Grada Tuzle. Javni poziv će biti otvoren 21 dan od dana objavljivanja.

Prijave na javni poziv podnose se na propisanom prijavnom obrascu koji će se moći preuzeti na zvaničnoj internet stranici Grada Tuzle (www.grad.tuzla.ba) i u Centru za pružanje usluga građanima (Šalter sala Grada Tuzle).

Uz popunjen prijavni obrazac, aplikant je obavezan dostaviti dokumentaciju navedenu u tački VII Pravilnika o utvrđivanju uslova, kriterija i postupka dodjele nepovratnih sredstava za novčanu podršku privrednim subjektima na području Grada Tuzla ("Službeni glasnik Grada Tuzla", broj 2/19, 8/21 i 10/25), koja se odnosi na prijavu za ostvarivanje prava na ovu vrstu novčane podrške, a bit će navedena u tekstu javnog poziva i u prijavnom obrascu koji će biti sastavni dio javnog poziva.

Postupak dodjele sredstava putem javnog poziva za podršku samostalnim djelatnostima i privrednim društvima registrovanim na području grada Tuzle po Projektu „Zapošljavanje ranjivih kategorija“ provodi komisija za ocjenu prijava koju imenuje Pomoćnik Gradonačelnika za Službu za ekonomski razvoj, poduzetništvo i poljoprivredu. Komisiju čine predsjednik i dva člana. Rješenjem o imenovanju komisije za ocjenu prijava odredit će se po jedan zamjenski član za svakog člana komisije. Sastav komisije za ocjenu prijava čine: dva uposlenika Službe za ekonomski razvoj, poduzetništvo i poljoprivredu i jedan predstavnik Udruženja obrtnika grada Tuzle ili Savjeta Gradonačelnika za lokalni ekonomski razvoj.

Komisija za ocjenu prijava će nakon objave javnog poziva sukcesivno vršiti ocjenu zaprimljenih prijava, te će po okončanju postupka ocjenjivanja sačiniti listu o odabiru korisnika. Lista o odabiru korisnika mora sadržavati subjekte koji su ispunili uslove javnog poziva sa predloženim iznosom sredstava, kao i subjekte koji nisu ispunili uslove javnog poziva sa naznakom koji uslov nije ispunjen.

Prilikom odobravanja pojedinačnog iznosa podrške po korisniku, ukoliko ukupan iznos odobrene podrške bude veći od iznosa raspoloživih sredstava, Komisija će proporcionalno umanjiti pojedinačno odobrene iznose podrške svim korisnicima, kako bi se uskladio iznos odobrene podrške sa iznosom raspoloživih sredstava za raspodjelu te na taj način omogućilo da budu podržani svi subjekti koji su ispunili uslove za ostvarivanje iste.

Lista o odabiru korisnika se objavljuje na zvaničnoj internet stranici Grada Tuzle (<https://grad.tuzla.ba>) i na oglasnoj ploči Grada Tuzle.

Nezadovoljni podnosioci prijava na javni poziv iz ovog Programa mogu podnijeti prigovor na listu o odabiru korisnika u roku od pet dana od dana objave liste na zvaničnoj internet stranici Grada Tuzle. Prigovor razmatra drugostepena komisija koju će imenovati Pomoćnik gradonačelnika za Službu za ekonomski razvoj, poduzetništvo i poljoprivredu.

Po okončanju postupka po prigovoru, Komisija na zvaničnoj internet stranici Grada Tuzle objavljuje konačnu listu o odabiru korisnika, na koju više nije dozvoljeno podnošenje prigovora.

Nakon okončanja postupka Komisija o svom radu sačinjava zapisnik koji zajedno sa konačnom listom o odabiru korisnika i prijedlogom iznosa novčane podrške dostavlja nadležnoj Službi za ekonomski razvoj, poduzetništvo i poljoprivredu.

Na osnovu izvještaja o radu Komisije i konačne liste o odabiru korisnika Služba za ekonomski razvoj, poduzetništvo i poljoprivredu donosi program raspodjele sredstava.

Program raspodjele sredstava objavljuje se na zvaničnoj internet stranici Grada Tuzle (<https://grad.tuzla.ba>)

Detaljni uslovi korištenja dodijeljenih sredstava regulisat će se ugovorom koji će se zaključiti između Službe za ekonomski razvoj, poduzetništvo i poljoprivredu, s jedne strane i korisnika sredstava s druge strane.

Prije potpisivanja ugovora korisnik dodijeljenih sredstava dužan je dostaviti ugovor o radu i prijavu nadležnoj Poreznoj upravi Tuzla za osobu za čije upošljavanje su mu odobrena sredstva po ovom Programu, ukoliko je nezaposlenu osobu uposlio u 2025. godini a prije raspisivanja javnog poziva.

Sa korisnicima dodijeljenih sredstava koji u trenutku prijave na javni poziv nisu imali uposleni osobu iz tačke 3. ovog Programa nego će je uposliti nakon javnog poziva, a za čije upošljavanje su

im odobrena sredstva po javnom pozivu, ugovor o korištenju dodijeljenih sredstava će biti potpisan nakon dostavljanja dokaza o upošljavanju te osobe u roku određenom tačkom 5. ovog Programa, odnosno u roku od 20 dana od dana objave Konačne liste o odabiru korisnika.

U slučaju raskida ugovora o radu sa osobom za koju je dodijeljena novčana podrška korisnik sredstava iz ovog Programa je dužan odmah, a najkasnije u roku od pet dana od dana opravdanog raskida ugovora, o tome pismeno obavijestiti Službu za ekonomski razvoj, poduzetništvo i poljoprivredu uz obavezno dostavljanje dokaza o raskidu ugovora te obrasca odjave radnika iz Porezne uprave Tuzla i u roku od 30 dana od dana raskida ugovora zaključiti ugovor o radu sa novom osobom koja ispunjava uslove za zamjenu na preostali period ugovorene obaveze tako da ukupno vrijeme upošljavanja ne bude kraće od vremena obaveznog zadržavanja u radnom odnosu osobe za koju mu je odobrena novčana podrška, a kako je određeno u tački 5. ovog Programa. U slučaju da korisnik novčane podrške ne zaključi ugovor o radu za preostali period ugovorene obaveze upošljavanja, dužan je vratiti u Budžet Grada Tuzle neutrošeni dio sredstva shodno odredbama Pravilnika o utvrđivanju uslova, kriterija i postupka dodjele nepovratnih sredstava za novčanu podršku privrednim subjektima na području Grada Tuzla ("Službeni glasnik Grada Tuzla", broj 2/19, 8/21 i 10/25).

10. KONTROLA UTROŠKA SREDSTAVA

Kontrolu namjenskog utroška dodijeljenih i uplaćenih sredstava i izvršavanja ostalih ugovornih obaveza vršit će Služba za ekonomski razvoj, poduzetništvo i poljoprivredu, putem komisije za praćenje utroška i realizacije ugovornih obaveza korisnika novčane podrške, na osnovu dokumentacije koju će dostavljati korisnici novčane podrške.

U slučaju da se utvrdi da doznačena sredstva korisnik nije u potpunosti ili namjenski utrošio, odnosno da nije opravdao utrošak istih, kao i u slučaju nepoštivanja ostalih ugovornih obaveza, pokrenut će se postupak raskida ugovora i procedura za povrat u Budžet Grada Tuzle neutrošenih ili nenamjenski utrošenih sredstava dodijeljenih korisniku.

11. STUPANJE NA SNAGU PROGRAMA

Ovaj Program stupa na snagu danom donošenja i ne objavljuje se u „Službenom glasniku Grada Tuzla“ a objavit će se na zvaničnoj internet stranici Grada Tuzle.

Dokument pripremila: Dijana Dizdarević.

Broj: 04/11-A-14170-2025
Tuzla, 5.9.2025. godine

